



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na e alumnonan di Colegio Arubano y
nan mayornan/ cuidadonan

Oranjestad, 25 di november 2020

COLAUA: 2020/2021-073

Topico: Accion pa recauda articulo y ultimo desaroyo

Apreciabel mayor/ cuidado y alumno,

December ta yegando. Normalmente esaki ta un luna yena di festividad. E aña aki lo ta completamente diferente. Na scol nos ta pensando riba un alternativa pa nos celebracion di Pasco anual. Pronto lo tin mas informacion tocante esaki. Loke si mi por informa boso awo ta cu nos lo tene un recaudacion di articulo e aña aki.

Accion pa recauda articulo

Colegio Arubano kier cera aña 2020 na un manera special y bunita. Pa hopi famia y pa alumno, aña 2020 no tabata un aña facil pa motibo di Coronavirus. Pa e motibo aki a dicide pa tene un accion di recaudacion di articulo cerca nos alumnonan pa esnan menos afortuna na Aruba.

Desde mañan lo tin varios baki grandi, den cual e alumnonan por pone nan productonan pa donacion. Den anexo 1 tin ehempel e productonan pa donacion. Na entrada di scol na e banda di Vondellaan tin baki den e hal, dilanti di administracion. Na entrada di Shakespearestraat (Emma locatie), e bakinan ta poni dilanti di e personeelskamer.

E accion di recaudacion ta dura te diabierna 11 di december 2020.

Colegio Arubano ta spera cu tur hende por contribui pa asina nos por haci otro felis durante e periodo di Pasco. Hunto nos ta haci nos esfuerso pa haci e Pasco aki y cambio di aña, magico y inolvidabel, sperando cu nos por habri aña 2021 yen di amor y union. Nos ta conta cu boso sosten pa cu e accion aki.

Desaroyo relaciona cu COVID-19

Desde fin di siman pasa, tin un alumno di CB1-D den isolacion door cu el a test positivo pa COVID-19. Entretanto, despues di delibera cu DVG, tres colega di klas tambe a bay den cuarentena preventivo obligatorio, pasobra no por a descarta cu nan no tabata tin contacto cu otro sin proteccion. A pone e mayornan di e alumnonan aki na altura den weekend. Tur mayor di e alumnonan di dicho klas a ricibi un carta.

Weekend pasa a publica un version nobo di e protocol *Richtlijn voor quarantaine in opvang- en onderwijsinstellingen*. E diferencia compara cu e prome version ta cu e periodo di cuarentena ta mas cortico, esta 10 dia. Tambe den e protocol *Randvoorwaarden openstellen onderwijsinstellingen m.b.t preventieve maatregelen COVID-19* a cambia esaki. Por haya ambos protocol riba www.arubacovid19.org y pa mas facilidad, a agrega esakinan como anexo 2 y 3 na e carta aki.

E cantidad di caso positivo pa dia ta un indicacion pa ta mas optimista, aunke diasabra y awe a mira un aumento den cantidad di caso. P'ese nos ta keda controla severamente cu tur hende ta cumpli cu tur e medidanan imponi na scol. Nos ta hopi satisfecho con e alumnonan ta duna nan cooperacion. Nan merece un gran compliment! Masha poco incidente tin cu alumno cu no ta bisti nan tapaboca y na nan entrada di e lokaalnan, nan ta haci nan banki y stoel limpi. Solamente na e manera aki nos por mantene scol 100% habri. Un danki grandi ta bay na tur e alumnonan pa nan bon cooperacion.

Procedura di Medwork

E alumno cu falta un prueba (toets) pa motibo di malesa, mester raporta na Medwork pa asina e tin derecho na haci e prueba. Desde e momento cu a constata COVID-19 na Aruba, Medwork ta accesibel solamente telefonicamente. Desde e siman aki, e alumnonan cu no tin sintoma di griep, por acudi personalmente na Medwork. Un consulta ta costa Afls. 35 y mester paga esaki cash.

E alumnonan cu tin sintoma di griep no ta permiti pa acudi personalmente na Medwork, pero si por yama pa un consulta. E costo di esaki ta Afls. 35 y mester paga esaki via transferencia bancario. Den anexo 4 tin e procedura completo describi. E procedura ta conta pa tur prueba, pues tambe ta e pruebanan pafo di e siman di CP/SE. E alumnonan cu test positivo pa Covid-19 no mester raporta na Medwork. Nan por entrega prueba di nan resultado positivo unbes bek na scol. E mesun regla aki ta conta pa e alumnonan cu mester keda den cuarentena obligatorio. Pa esaki tambe mester un prueba.

PLT

Door di tur cambio, a dura un poco mas pa publica e PLT-nan. Por haya e PLT-nan via bit.ly/PLT20-21 Tambe riba nos website por haya esakinan.

Entretanto, ya nos ta tres luna caba riba caminda. E caminda aki sigur no ta esun di mas facil, pero door cu hunto nos ta haciendo nos best, e caminda ta poco mas pasabel. Si hunto nos keda riba e mesun caminda aki, sigur nos lo haci di e aña escolar aki un aña exitoso. Keep up the good job!

Cu saludo cordial,
Den number di rectorado,



T.R. Croes M Ed
Rector